

ԵՐԵՄԻԱ ՉԵԼԵՊԻ ՔԵՆՍՈՒՐՃՅԱՆԻ ՆՈՐԱՀԱՅՏ ՔԱՐՏԵԶԸ

ԳԱՐՐԻՆԵԼԻԱ ՈՒՆԻՎԵՐՍԻՏԵՏԻ (Բալտեիա)

1933 թ. Ներսես Ազնայանը Երեմիա Չելեպի Քենոուրճյանի կյանքին ու գրական գործունեությանը նվիրված ուսումնասիրության մեջ նրա գործերի շարքում հիշատակում է նաև մի «Աշխարհագրություն» և գրում, թե իր ունեցած տեղեկությունները անուղղակի են և գալիս են ուրիշների աշխատություններից: Իր խոսքը ավարտում է ասելով, որ թեև շատ է փնտրել Ավստրիայի դիվաններում ու զբոսայգիներում, սակայն չի կարողացել դտնել այն:

1991 թ. Գ. Բամպուրջյանը «Պատմություն հրակիզման Կոստանդնուպոլսու (1660 տարվո)» հրատարակության առաջաբանում Քենոուրճյանի «անհետացած դործեր»-ի ցանկում գնում է «Աշխարհագրություն»-ը²:

Վերջերս Բոլոնիայի «Համալսարանական» կոչված գրադարանում հայտնաբերվեց Երեմիա Չելեպի Քենոուրճյանի հեղինակած աշխարհագրական տեղերի գրային նկարագրություն-քարտեզը: Այն պահպանվել է զանազան վավերագրերի հավաքածուի մեջ, որը հայտնի է իր հիմնագրի՝ Լուդովիկո Ֆերտինանտո Մարսիլի (1658—1730) անունով: Վերջինս մի հուշակավոր բոլոնիացի ազնվական էր, բազմազան հետաքրքրություններով՝ հատկապես դիվանագիտական ու ռազմական արվեստների նկատմամբ: Հազիվ 20 տարեկան նա Վենետիկի դեսպանի հետ գնացել է Կ. Պոլիս, որտեղ մնացել է մոտ մեկ տարի (1679—1680): Բտայիա վերադառնալուց հետո նա բարձր պաշտոններ է վարել Հռոմի Պապի մոտ, մասնակցել է Թուրքիայի դեմ Հարսուրդների մղած պատերազմին և գերի ընկել: Ազատվելով թուրքական զինված ուժերից հրամանատարի աստիճանով շարունակել է մասնակցել պատերազմներին բալկանյան երկրներում:

1691 թ. Մարսիլին կրկին դնացել է Կ. Պոլիս, այս անգամ կայսեր կողմից կիսապաշտոնական առաքելությամբ՝ կայսրության և Թուրքիայի միջև դինադատար կնքելու:

Կյանքի վերջին տարիներին վերադարձել է Բոլոնիա և նվիրվել զանազան դիտական հետազոտությունների, որոնք երիտասարդ տարիներից սկսվել էին իր ուշադրությունը, ինչպիսիք էին ծովի հոսանքների ուսումնասիրությունը, քարեղապատությունը, ռազմագիտությունը և այլն: Բոլոնիայում նա հիմնադրեց և կազմակերպեց Ճշգրիտ գիտությունների ակադեմիան, որը նրա մահվանից հետո ժառանգեց նրա կողմից հավաքված բոլոր նյութերը: Այս թղթերի մեջ է, որ գտնվում է այն քարտեզ-նկարագրությունը, որը և ներկայացվում է ստորև: Քարտեզի ձևով կազմված, այն 358 սմ երկարությամբ և 120 սմ լայնությամբ կտավի վրա սոսնձով փակցված թուղթ է, որի վրա տարրերի դույնների օգտագործումով պատկերված են ջրաներկով գրված հարյուրավոր աշխարհագրական անուններ և հայտը հոգևոր կենտրոնների պատկերներ, որոնք ուղեկցվում են համառոտ գրություններով:

Արդյո՞ք հնարավոր է սույն քարտեզը նույնացնել Երեմիա Չելեպու անհետացած Աշխարհագրության հետ: Քարտեզում կա մի երկար հիշատակա-

1 Ն. Ազնայան. Երեմիա Չելեպի Քենոուրճյան. Կյանքն և գործունեությունը. Վիեննա, 1933:

2 Գ. Բամպուրջյան. Պատմություն հրակիզման Կոստանդնուպոլսու (1660 տարվո). Ստամբուլ, 1991:

րան, որը կարևոր տեղեկություններ է պարունակում: Նախ արձանագրվում է, որ այն կազմված է Ձեռամբ կոստանդնուպոլսեցի Երեմիայի եւ պատկերահանի որդեկի իմոյ տէր Մաղաքիայի: Այնուհետև հիշատակարանում նշվում է, որ ճայս եղեւ պատճառ սոյն խարդայի. ի թվին 1691 եկն աստ Լոսովիկ Ֆերտինանդ Մարսիլի. եւ եղեւ ի խնդիր հայկաղունեաց աշխարհիս վանորէից. վասն որոյ եւ ըստ կարողութեան մերոյ յուսալով ի շնորհս փրկչին մերոյ եւ նորին հաճոյացելոց մաղթանօք օգնութեան. յցաք այսքան զփափաք սրտի նորա: Եւ զրեցաք զիշատակութիւն չորին խնդրոյ յաղգաց յազգ. ի պատիւ բարեւէր իմաստախնդիր խոհեմութեան նորա»:

Քարտեզի մեկնաբանության և նրա նշանակության ճիշտ ըմբռնման համար դարձյալ մեղ օգնում է հեղինակը, որ աշխարհական ու վարչական ստորաբաժանումների և ապա կրոնաեկեղեցական տարրեր տեսակ հիմնարկությունների մասին գրում է.

«Եւ արդ, ի խարդայս ցուցցի. այն որ մին թուղով է, պարոնի քաղաք է՝ գալառան. եւ որ երկու թուղով է՝ փաշայ կոչի, եւ որ երեք թուղով է՝ պէկլէրպէկի կոչի: Եւ որք քաղաք են եպիսկոպոսութեան՝ նա յայտնի է, զի է մօտ նորա վանք, ուր նստի եպիսկոպոս նահանգին եւ ուր գալառ ոչ գոյ. վանք. նա նստի ի քաղաքի, որպէս Ծտիրնէ եւ ի Ստանալօլ եւ ի Պուրսա եւ յիզմիր եւ ի Թոխաթ եւ յայլս, եւ ուր նահատակութեան տեղիք են կամ գերեզմանք սրբոց, զայն ոսկով նշանակեցի. եւ զանապատսն ճգնաւորաց ձիթենեաց ոստովք ցուցի եւ զկուսանաց աւապատսն սորմաենեաց ոստովք ցուցի եւ զՄըսայ, յայինքն՝ Կիլիկոյ կաթողիկոսին վիճակս նեֆթի ցուցի եւ զԱլթամարայ՝ կապոյտ ցուցի, վասն ծովուն Վանայ. եւ զԳանձասարայն՝ ղեղնագոյն, վասն տարողութեան նշանակեցի. եւ զէջմիածին թեմի վանորայսն եւ զեպիսկոպոսութիւնս կարմրագոյն որպէս հրկայնատարաղ ձգեցի. եւ զի գիտելի է Գանձասարայն ինքն Լուսաւորիչն զթոռն իւր զԳրիգորիս հաստատեաց կաթողիկոս եւ կայ մինչեւ ցայսօր. եւ Աղթամարն մնաց եւ Կիլիկոյն. վասն օսմանցոց թագաւորութեան ուժոյ բռնացեալ անհնազանդ գտան եւ ինքնադուխք բուն աթոռն հայոց է՝ սուրբ Լուսաւորչին մերոյ, զոր ինքն շինեաց...»:

Հիշատակարանը ավարտվում է սովորական մաղթանքներով.

«Արդ յիշեսցի ի ձէնջ վերոյգրեալ պատուամեծար պարոն Լոսովիկ Ֆերտինանդ Մարսիլի ի սուրբ յաղօթս ձեր, որ ի յայտ բերելոյ պատճառ եղեւ իոյս գործառնութեան»:

Սույն հիշատակարանը, ինչպես տեսանք, բավականին տեղեկացնում է քարտեզի էություն մասին և հեղինակը, անշուշտ, Երեմիա Չեխպի Քեոմուրճյանն է, որը քաջածանոթ էր Պոլսում XVII դարի երկրորդ կեսին իր բազմակողմանի կրթությամբ ու հետաքրքրություններով, իր յայնատարած հարաբերություններով:

Ուշագրավ է Մարսիլիի և Քեոմուրճյանի հանդիպման փաստը: Կարևոր է վերահիշյալ տվյալները լրացնել այլ աղբյուրների տեղեկություններով, որոնք լուսաբանեն այս երկու բացառիկ անձնավորությունների հանդիպման հանգամանքները: Այս նպատակով բավական շատ պոպտումներ ենք կատարել Մարսիլիի հավաքածուի թղթերում, և շնայած որ նա բազմիցս հիշատակում է հայերին, նրանց եկեղեցական կազմակերպությունը, նրանց բարբեր և նույնիսկ ցույր է տալիս, որ հանդիպումներ է ունեցել Հակոբ Դ Ջուղայեցի կաթողիկոսի հետ դեռևս 1680 թ.³, սակայն դեռևս որևէ տեղեկություն չի ղտնվել, որ վկայեր Պոլսում Մարսիլիի և Քեոմուրճյանի հանդիպումների մասին: Երեմիա Չեխպի Քեոմուրճյանի՝ Վենետիկի Մխթարյանների դիվանում պահվող թղթերի հավաքածուի մեջ հայտնաբերվեց մի ինքնադիր վա-

³ G. Uluhogian. Luigi Ferdinando Marsili e il Catolico armeno Yakob IV Jugacci,—in „Ad Limina Italiae“ (a cura di B. Zeklyan), Venezia, 1996, pp. 199—213.

վերադիր, որտեղ ևս Քեոմուրճյանը գրում է քարտեզի ստեղծագործման առիթի մասին: Կրկնելով մասամբ այն, ինչ որ մեզ արդեն ժանոթ է, նա գրում է. «Ի խախանձանաց յոլովից դեսպանին Այամանաց կայսեր ո՞ր աղագաւ էր, ևս անտեղեակ մնացի, յետ այլ և այլ խնդրուածոց, որք առ մեզ գտան, նախ պահանջեաց դխարգա Անատոյու եւ զՊարսից եւ զՀնդկաց, զորս երեք փերթ խարդա արարի՝ յուսայով յանդեղջ պարդեւս մարդասիրին: ...ստիպեաց դմեղ զԱնատոյու ամէն մի պէկլէրպէկեաց սանճաղովք զքաղաքսն ցուցանել. և զառ ի նոսա իւրարանչիւրոցն պէկլէրպէկեթեան սահմանսն որոշել, աւսինքն յորս նստին յանուանի քաղաքս Գ (3) թուղով պէկլէրպէկի կոշմամբ, և որ Բ (2) թուղով փաշայ, և որ մին թուղով պէկ ի ստորեւ նոցա, ...իսկ յետ որոյ խնդրէր ի մէնջ գաղգիս Հայոց, թէ ուր ուրէք գոն մենաստանք եւ անապատք եւ կփսկոպոսութեան վիճակք եւ ուխտատեղք հանդիսադրութեանց նահատակաց»:

Այս դրույթյան մեջ կա նաև հետաքրքրաշարժ մի ակնարկ իր տարած աշխատանքի դժվարության մասին. «Եւ դիտելի է ըստ այսմ, զի աշխատանացս պատճառն այն եղև. Ա (1), զի ոչ էի տեսել զսահմանս վանորէից, թլպէտ զանսանսն յսէի, Բ (2)՝ զորոց յորոց հարցանէի՝ ոչ կտրէին պարպալէս ցուցանել զսահմանսն. Գ (3), զի զձախ եւ դյաջ ոչ կարէին սահմանել, քանզի ոչ կտրէին նշմարել զաշխարհսոյն զարեւելս եւ զարեւմուտս, զհիւսիս եւ զհարսու, վասն որոյ քրտունք կոխէր զիս»:

Ի՞նչ կարելի է ասել իբրև եզրակացություն.

Ա. Կարելի է դրական պատասխան տալ Քարտեզի հեղինակի ինքնության հարցին, առանց տարակուսանքի վերադրելով այն Քեոմուրճյանի գրչին:

Բ. Երեմիա Չելեպի Քեոմուրճյանը կատարել է մի եղակի գործ՝ ի մի բերելով աշխարհագրական տվյալները և սրանց հետ սերտորեն կապված պատմական իրադարձությունների հիշատակումները, որոնք էական են հայ ուղղի պատմության ու գոյության համար:

Գ. Նրա Քարտեզը մնում է իբրև բացառիկ արժեք ունեցող մի վավերաթուղթ, որ ցույց է տալիս ոչ միայն հեղինակի լայնատարած գիտելիքները, այլև XVII դարի վերջերի հայոց եկեղեցու և հայոց աշխարհի կացությունը, ևրբ այն ենթարկված էր ևրկու խոշոր պետությունների՝ Պարսկաստանին և Օսմանյան կայսրությանը:

Դ. Քարտեզում նշված են մոտ ութ հարյուր սրբավայրեր՝ սկսած Գանձասարի կաթողիկոսության տարածքից մինչև Սսի կաթողիկոսության տարածք, ընդգրկելով ինչպես էջմիածնի և Աղթամարի կաթողիկոսության տիրույթները, այնպես էլ Երուսաղեմը իր շրջակայքով: Այսպիսով ներկայացված է մի հսկայական տարածք, որտեղ այն ժամանակ ապրում և դործում էին հայերը:

Կան, սակայն, բազում հարցեր, որոնք դեռևս սպասում են իրենց պատասխանին և ուսումնասիրության շարունակությունը հավանաբար կպարզի նորանոր ծայրեր հումաղործակցության այս հետաքրքիր փաստի մասին:

Եվ վերջապես, մնում է նկարչի անձնավորության հարցը ևս: Քեոմուրճյանը ասում է, որ Քարտեզը դարդարվել է «ձեռամբ ...պատկերահանի որդեկի իմոյ տէր Մաղաբիայի»: Քեոմուրճյանի որդի Մաղաբիային է վերագրվել նաև Մատենադարանի № 349 ձեռագիր Աստվածաշնչի փառավոր մանրանկարչությունը: Բոլոնիայի և Մատենադարանի ձեռագրերը, սակայն, որոնք վերադրված են միևնույն հեղինակ Մաղաբիային, ոչ մի ոճական նմանություն չունեն: Հետևաբար հարկավոր է խորացնել արվեստագիտական քննությունը եւ և նոր փաստերի հիմքի վրա լուծել, թե քանի՞ Մաղաբիա են եղել և ո՞րն է Մաղաբիա Քեոմուրճյանի ստեղծագործությունը:

НОВОНАЙДЕННАЯ КАРТА ЕРЕМИИ ЧЕЛЕПИ КЕОМУРДЖЯНА

ГАБРИЭЛЛА УЛУОДЖЯН (Болонья)

Резюме

В библиотеке университета Болоньи (Италия) в фондах Л. Ф. Марсили (1658—1730) в последнее время была найдена карта Армении на армянском языке (358 см × 120 см). На основе колофона установлено авторство карты. Им был Еремия Челепи Кеомурджян, видный армянский ученый второй половины XVII века, живший в Константинополе. В колофоне отмечается, что карта была составлена по просьбе Людовико Фердинандо Марсили, который был в Константинополе в 1679—80 и 1691 годах. Устанавливается, что карта была составлена именно в 1791 году.